

profunde punctato, antice semicirculariter impresso, lævigato; hemelytris dilute fusco-testaceis, subtiliter punctulatis, cuneo fusco, membrana dilute fusca, iridescente; pedibus lutescentibus, tarsis obscurioribus. ♂. Long. $5\frac{1}{2}$, lat. $2\frac{1}{2}$ millim.

In fruticibus ad Anneberg Smolandix individua duo et prope Holmiam specimen unicum inveni.

Magnitudine et fere statura *Phytoc. gothici*, capite brevi, prothorace antice semicirculariter impresso, lævigato, ut et colore a conspiciendis facile distinctus. Caput latitudine multo brevius, ante oculos triangulariter nonnihil productum, supra modice convexum, nigrum vel fusco-ferrugineum, nitidum, vix punctatum; rostro brevi, inflexo, fusco, ultra insertionem pedum anticorum parum protenso; oculis ovatis, valde convexis, nigris. Antennæ dimidio corpore vix longiores, fuscæ, dense, sat longe pilosæ, basi interdum dilutiores, articulo primo capite transverso parum longiore, secundo antecedente duplo longiore, minus tenuibus, tertio quartoque tenuioribus, simul sumtis secundo nonnihil brevior. Prothorax latitudine postica dimidio brevior, antice truncatus, intra apicem leviter constrictus, lateribus basin versus subito oblique ampliatis; postice leviter rotundatus, supra convexo-declivis, nigro-fuscus, sub-nitidus, crebre, profunde punctatus, dense cinereo-pilosus, antice sat profunde semicirculariter impressus, lævigatus. Scutellum triangulare, nigro-fuscum, sub-nitidum, pilosum, supra fere planum, subtiliter, crebre, transversim aciculatum, medio obsolete carinatum. Hemelytra dilute fusco-flavescentia, subtiliter, sat crebre punctulata, cinereo-pilosa, cuneo obscuriore, fusco; membrana dilute fusca, certo situ pulchre iridescente. Corpus nigro-fuscum, pilosum, abdomine basi ferrugineo. Pedes dilute lutescentes, albido-pilosi, tarsis paulo obscurioribus.

24. *PHYTOCORIS impurus*: oblongo-ovatus, nigro-fuscus, parce pubescens; antennis pedibusque sordide flavo-testaceis; prothorace brevi, lato, vix punctulato; hemelytris pallide fuscis, cuneo basi sordide albido, membrana dilutiore, apice iridescente. ♀. Long. $2\frac{3}{4}$, lat. $1\frac{1}{2}$ millim.

In fruticibus Scanix et Gottlandix mense Julio rarius inveni.

E minoribus. Magnitudine et statura *Phytoc. obscurelli*, aliter coloratus. Caput sub-triangulare, nigrum, nitidum, sub-læve, supra modice convexum, parce pubescens; rostro inflexo, fusco-testaceo; oculis rotundatis, convexis, nigris. Antennæ longitudine hemelytrorum, subtenues, sordide flavo-testaceæ, pubescentes, articulo primo obconico, capite transverso vix longiore, secundo extrorsum perparum incrassato, antecedente fere triplo longiore, tertio et quarto tenuioribus, simul sumtis præcedente longitudine æqualibus. Prothorax latitudine postica duplo brevior, antice capite parum angustior, leviter rotundato-ëmarginatus, lateribus basin versus subito oblique ampliatis, angulis fere rectis; supra paulo convexus, nigro-fuscus, parum nitidus, vix punctulatus, parce, breviter griseo-pubescens. Scutellum mediocre, triangulare, nigro-fuscum, sub-opacum, pubescens, supra haud convexum, pone basin leviter, transversim impressum. Hemelytra dilute fusca, obsolete punctulata, breviter griseo-pubescentia, cuneo basi trans-